



Publicaziuns officialas dils 27-02-2009

Damondas da baghegiar

Nr. 11/2009

Datum da publicaziun: 27-02-2009

Patrun: Rudolfin Degonda, Curschellas 114, 7176 Cumpadials

Object: Construcziun d'in niev baghetg annex per vaccas vid la stalla nr. d'assec 759, nova seiv ferma entuorn la stalla sin la parcella nr. 2089 a Cumpadials, Sontget.

Nr. 12/2009

Datum da publicaziun: 27-02-2009

Patrun: Tgetgel Fidel, Reits 318A, 7173 Surrein

Representant: Robert Bundi SA, 7173 Surrein

Object: Consrucziun d'ina nova suoschna per maschinas sin la parcella nr. 1431 e prolungaziun dil tgamín vid la casa nr. d'assec 318A sin la medema parcella a Surrein, Reits.

Ils profils ein tschentai ed ils plans da construcziun ein deponi tier la canzlia commu-nala. L'investa publica cuozza 20 dis dapi il datum da publicaziun. Eventualas prote-stas encunter sura damondas da baghegiar ein d'inoltrar:

- a) appartenent il dretg privat agl uffeci circuital Cadi, Mustér cun ina copia alla cumissiun da baghegiar
- b) concernent il dretg public alla cumissiun da baghegiar Sumvitg enteifer 20 dis dapi il datum da publicaziun.

Sumvitg, 27-02-2009

Cumissiun da baghegiar Sumvitg

Inoltraziun declaronza da taglia 2008

Tuttas personas naturalas cun dimora fiscala en vischnaunca ni schischom ein obligadas d'inoltrar ina declaronza da taglia.

Termis per inoltrar la declaronza da taglia

Ils suandonts termis ein da risguardar per inoltrar la declaronza da taglia:

- **31 da mars 2009** per personas cun activitad da gudogn dependenta, scolars, students, pensiunai, disoccupai.
- **30 da settember 2009** per personas cun activitad da gudogn independent, societads semplas e personas domiciladas ordeifer il cantun cun interpresas el Grischnun.
- **30 da settember 2009** per personas domiciladas ordeifer il cantun cun immobilias en vischnaunca (obligaziun limitada da pagar taglia).

Prolungaziun dil termin

Damondas per ina prolungaziun dil termin ein d'inoltrar agl uffeci da taglia communal a scret avon ch'il termin da declaronza croda. Las damondas vegnan mo rispundidas, sche quellas san buca vegnir risguardadas ni mo per part.

Persunas che han buca retschert la declaronza da taglia ston tuttina ademplir lur obligaziun ed inoltrar la declaronza da taglia enteifer il termin sura menziunau (art. 127 LT). Tgi che ha buca survegniu ils formulars sa pretender quels tier igl uffeci da taglia communal.

Ils conjugals suttascrivan comunablamein la declaronza da taglia. Conjugals che vivan giuridicamein ed efectivamein en ina lètg nunseparada ein suttamess comunablamein alla taglia. Las entradas e la facultad vegnan summadas senza risguardar il stadi dils beins. Omisdus conjugals ein ella medema posiziun ella procedura e suttascrivan ensemen la declaronza da taglia. Sche la declaronza da taglia ei vegnida suttascretta sulettamein d'in conjugal, vegn la suttascripziun che maunca aunc pretendida.

Quen da taglia communal provisoric 2008

L'jamna passada ei il quen da taglia communal provisoric per 2008 vegnius distribuius als pagataglias.

Tenor art. 43 dalla lescha communal da taglia valan ils suandonts termins da pagament.

- enteifer 30 dis: 2 % sconto (28-02-2009)
- enteifer 90 dis: netto (30-04-2009)

Per il pagament da sconto ei il schec postal remarcaus cun "sconto" d'utilisar.

Informaziun

Davart damondas stat igl uffeci da taglia communal a disposiziun.

Sumvitg, 27-02-2009

Uffeci da taglia Sumvitg

Serrada via Val Sumvitg

Ord motivs da segirtad resta la via Val Sumvitg serrada naven d'immediat sil tschancun da Val anen per tut traffic.

Sumvitg, fevrer 2009

Departament stradal

Reducziun dallas premias dalla cassa da malsauns

Persunas che han aunc buca retschert direct dalla cassa da cumpensaziun in formular d'annunzia, han la pussevividad da retrer quel directamein tier la cassa da cumpensaziun AVS en canzlia. Las annunzias pigl onn 2009 ston esser inoltradas entochen sil pli tard ils 31-12-2009.

Sumvitg, 27-02-2009

Cassa da cumpensaziun AVS

Di da skis pil vitg da Surrein

Sonda, ils 28 da fevrer 2009 a Breil

Nus serimnein allas 10.30 sil parcadi dallas pendicularas a Breil. (Bus da skis Cadi parta allas 9.49 naven da Surrein avon baselgia – gratuit.) Tgi che sto cumprar ina carta da skis per quei di survegn reducziun. Allas 18.00 uras dat ei tscheina (spaghettis) ell'ustria Placi Pign. Era buca skiunzs san prender part a quella.

Cordialmein envida *l'uniun sportiva* a stedia parcitipaziun.

ProSenectute Surselva: Niev!

Co retrer bigliets dils automats novs dalla Viafier retica?

Ils automats novs da retrer bigliets dalla Viafier retica reageschan cun tucar en. Quei ei niev e nunusitau. En nos cuors muossan ils collaboraturs dalla Viafier retica el liug co ils automats funcziuneschan ed els segidan d'emprender co sesurvir sesez.

Menader: Christian Pircher
Liug: **Trun alla staziun**
Datum: **mardis, ils 17 da mars 2009**
Temps: 14.15–16.15 uras
Annunzia: tochen ils **10 da mars 2009** tier Pro Senectute Grischun Alexanderstrasse 2, 7000 Cuera telefon 0844 850 844 (tariffa locala)

Pro Senectute Surselva: Neu!

Wie bediene ich die neuen Billettautomaten der RhB?

Die Bedienung der neuen Billettautomaten der RhB, die auf Berührung reagieren, ist neu und ungewohnt. In unseren Kursen zeigen Mitarbeiter der RhB **vor Ort**, wie die Automaten funktionieren, und verhelfen zu den nötigen Kenntnissen zur selbständigen Bedienung.

Leitung: Christian Pircher
Ort: **Trun am Bahnhof**
Datum: **Dienstag, 17. März 2009**
Zeit: 14.15–16.15 Uhr
Anmeldung: bis **10. März 2009** bei Pro Senectute Graubünden, Alexanderstrasse 2, 7000 Chur, Tel. 0844 850 844 (Lokaltarif).

Das ausführliche Kursprogramm von Pro Senectute Graubünden mit allen Angeboten kann bei der Beratungsstelle in Ilanz, Tel. 081 925 43 26, oder bei der Geschäftsstelle in Chur, Tel. 081 252 75 83, bezogen werden.

Ruaus per las selvaschinas

Sinquei che las selvaschinas han da sbatter uonn cun in enorm stregn e criu unviern, vulein nus metter a pèz ad in e scadin da Vus, preziadas convischinas e convischins, da buca disturbar las selvaschinas en lur quartiers da viver e ruaus. Gest ussa, cura che lur reservas digl onn vargau van da rendiu, ei quei ruaus immens impurtonts ed evidents, per che las selvaschinas sappien survivor. Era quels che serendan sin la tscherca da corna sperein nus, ch'ei setegnien vid quei giavisch e prendien risguard! Sperond sin Vossa capientscha e compassiun per la selvaschina salida *l'uniun da catschadurs Greina, Sumvitg*

Giubileum – Cerchel da praulas

28 da fevrer dallas 13.00 tochen las 16.00 el center da lungatg, formaziun e cultura dalla Ligia Romontscha a Laax. **10 onns «Cerchel da praulas Surselva – fiasta da giubileum»**

13.00–16.00 Exposiziun da maletgs e texts cun motivs da praulas e detgas

14.00 Vernissascha

14.15–15.15 – Atelier per affons tochen 7 onns (Sandra Bass e Stefania Bearth)

– Raquintar praulas e detgas (Antoinette Quinter)

– Per carschi interessai: Introducziun ella simbolica dallas praulas ed interpretaziun dalla Capetscha cotschna (Norbert Deplazes)

Pusseivladad da prender envesta dallas activitads dalla Uniun europea da praulas e dalla Svizra ed en special dil Cerchel da praulas Surselva.

Cordialmein envida: Center da lungatg, cultura e formaziun Via Curtgin pign 35, 7031 Laax
081 920 80 70, lrsurselva@rumantsch.ch www.lrsurselva.ch

Uniun samaritana Sumvitg

Sco mintg'onn organisein il curos d'emprem agid per in e scadin. El ha liug ils **3/5/10/12 e 17 da mars 2009** dallas 19.00–21.00 el local samaritan a Rabius. S'annunziar tochen ils **25 da fevrer 2009** tier Walter Bass (079 484 94 45) ni Berta Schmidt (081 943 19 38). Ils plaz ein limitai, annunzias vegnen pridas si tenor l'entrada dall'annunzia.

Biblioteca Trun

Liug: Center communal (2. alzada)

Info: www.biblioteca-trun.ch; Info: biblioteca@trun.kns.ch

Uras d'emprest/Öffnungszeiten

Gliendisdis/Montag 15.30–17.00

Gievgia/Donnerstag 15.30–17.30

Venderdis/Freitag 19.00–20.30

durant las vacanzas da scola/ während der Schulferien: Venderdis/Freitag 19.00–20.30

Per scolas, uniuns ni gruppas ei la biblioteca aviarta tenor cunvegnientscha. 081 943 26 90.
Nus selegrein da Vossa viseta. *Il team dallas bibliotecaras.*

Biblioteca populara, Mustér

Liug: Casa da scola, tel. 081 947 52 90.

biblioteca@disentis.ch

Sut www.disentis.ch ni www.bibliotecas-surselva.ch anfleis Vus nies entir catalog bibliotecar. Per Email saveis vus reservar ina ni pliras medias ed enteifer 5 dis retrer ad emprest ellas en biblioteca populara.

La biblioteca ei aviarta:

Gliendisdis 18.30–20.00 uras

Mardis 13.30–15.00 uras

Gievgia 16.00–17.30 uras

Venderdis 18.30–20.00 uras

Nies motto: Leger...tedlar...mirar...!

Nus selegrein da mintga viseta.

Biblioteca populara Mustér